

四庫全書

史部

欽定四庫全書

史部

元和郡縣志卷

三十九  
四十

詳校官編修臣曹 斌

檢討臣德生覆勘

總校官庶吉士臣倉聖脉

校對官中書臣王 璜

謄錄監生臣黃奕選

欽定四庫全書

元和郡縣志卷三十九

唐李吉甫撰

隴右道

上唐貞觀初分州縣為十道隴右列關內河南河東河北山南之次淮南江南

劍南嶺南之前是志因元和時久陷西蕃故移于後其有開元戶鄉而無元和戶鄉亦非傳寫佚之

州十三

秦州渭州武州蘭州河州鄯州廓州岷州洮州疊州芳州宕州臨州具縣三十七

秦州

天水中府

開元戶二萬五千七鄉三十九

禹貢雍州之域古西戎地周孝王時其地始為秦邑孝王使非子主馬于汧渭之間馬大蕃息孝王邑諸秦使為附庸今天水隴縣秦亭秦谷是也其後秦仲始大襄公列為諸侯武公伐邽戎滅而縣之今州理上邽即秦之舊縣也始皇分天下為三十六郡此為隴西地漢武帝元鼎三年分隴西置天水郡郡前有湖水冬夏無增減取天水名由此湖也王莽末隗囂據其地後漢建武永平之後改天水曰漢陽郡魏分隴右為秦州因秦邑

以為名後省入雍州晉復改漢陽為天水郡武帝泰始  
中又立秦川郡與州同理隋開皇三年罷郡所領縣並  
屬州大業三年罷州為天水郡隋末陷于盜賊武德二  
年討平薛舉改置秦州仍立總管府天寶元年改為天  
水郡乾元元年復為秦州寶應二年陷于西蕃

州境

東西四百三十九里  
南北五百五十里

八到

東至上都八百里  
東至東都一千六百六十里

東北至隴州三百六十里  
東北至原州四百六十里

西南至成州一百八十里  
西北至渭州三百里

貢賦

衆唐六典隴右道厥賦布麻秦州貢龍  
鬚席犀牛尾鵬翎芎窮此並傳寫缺

管縣五

上邽 伏羌 隴城 清水 成紀

上邽縣

上郭下

本邽戎地秦伐邽戎而置縣焉漢屬隴西郡晉屬天水  
郡後魏以避道武帝諱改曰上邽廢縣為鎮隋大業元  
年復為上邽縣屬天水郡武德屬秦州

嶧冢山在縣西南五十八里漾水之所出也東流為漢水

渭水在縣北十三里西自伏羌縣界流入

段谷水源出縣東南山下蜀將姜維為鄧艾破于段谷  
星散流離即此谷也

司馬宣王壘俗名上募城在縣東二里魏明帝太和五  
年諸葛亮寇天水詔大將軍拒之此其壘也

諸葛亮壘俗名下募城在縣東二里初亮出議者或欲

自芟上邽左右麥以奪賊食帝不從又敕令護麥及宣王與亮相持賴此麥以為軍糧

姜維壘在縣北八里

漢高祖廟在縣東北五里隗囂自立為大將軍聘平陵人方望為軍師勸囂立高祖廟以取信于人

伏羌縣

中東北至州一百二十里

本冀戎地秦伐冀戎而置縣焉漢冀縣屬天水郡後漢隗囂自稱西伯都于此後魏以冀為當亭周為黃瓜隋



大業二年改黃瓜為黃城縣武德三年初立伏州仍置  
伏羌縣八年罷伏州以縣屬秦州

朱圉山在縣西南六十里上有石鼓不擊而自鳴則有  
兵起

渭水經縣北去縣一里

縣城本秦冀縣也隗囂稱西伯都此時冀人有謠曰出

冀門望羝羣

案後漢書隗囂傳注引此童謠作出吳門望縵羣謂吳門冀都門名也有縵羣山

有一跛人欲上天謂天可上地上安得人囂卒敗

隴城縣

中西南至州一百一十里

本漢略陽道屬天水郡初隗囂之據冀城也來歙從上道襲得略陽城囂乃使王元拒隴坻牛邯軍瓦亭囂自率衆攻略陽道隋開皇二年罷郡河陽縣徙理焉六年改為隴城縣

大隴山在縣東一百里

略陽川水北去縣三十步

瓦亭山在縣東北二百餘里隗囂使將牛邯守處其山

亦入原州界又有街泉亭蜀將馬謖為魏將張郃所敗

清水縣

中下西南至州一百二十五里

本漢舊縣也屬天水郡後魏分略陽置清水郡隋開皇三年罷郡縣屬秦州

小隴山一名隴坻又名分水嶺隗囂時來歙襲得略陽囂使王元拒之隴坂九迴不知高幾里每山東人西役升此瞻望莫不悲思隴山有水東西分流因號驛為分水驛行人歌曰隴頭流水鳴聲幽咽遙見秦川肝腸斷

絕東去大震關五十里上多鸚鵡

成紀縣

中東南至州一百里

本漢舊縣也屬天水伏羲氏母曰華胥履大人跡生伏羲于成紀即此丘也周成紀縣屬略陽郡隋開皇三年

罷郡縣屬秦州皇朝因之

瓦亭川水東去縣一十五里

渭州

隴西下

開元戶五千二百三十一 鄉一十四

禹貢雍州之域古西戎地戰國時羌戎雜居其地秦昭王伐得義渠戎始置隴西郡按天水有大坂名曰隴坻郡處坻西故曰隴西有鐵官鹽官漢末隗囂竊據建武十年囂降隴右平仍舊為郡靈帝分南安郡魏于此置鎮守鄧艾曰蜀師來而為一我分為四以禦之謂狄道隴西南安岐山四處齊王芳嘉平五年蜀將姜維圍南安襄武皆不克後魏莊帝永安三年于郡置渭州因渭水為名禹貢道渭自鳥鼠同穴山在州西一百二十九

里渭源界隋大業三年罷州復置隴西郡隋亂陷賊武

德元年西土底平復置渭州寶應二年陷于西蕃

州境

東西二百六十六里  
南北三百八十六里

八到

東至上都一千一百里  
東至東都一千九百六十里

東南至秦州三百里  
東北至原州五百五十里

西南至岷州二百二十六里  
西北至臨姚軍一百九十里

貢賦

開元貢  
秦光  
麝香  
布  
麻

管縣四

襄武 渭源 隴西 彰

襄武縣

上郭下

本漢舊縣也屬隴西郡隋開皇三年罷郡縣屬渭州大業三年復屬隴西郡武德改屬渭州

渭水北自渭源縣界流入

六泉水在縣東北原上泉源有六因以為名

渭源縣

上正東微南至州九十里

本漢首陽屬隴西郡西魏文帝分隴西置渭源縣因渭

水為名也隋開皇三年罷郡縣屬渭州

鳥鼠山今名青雀山在縣西七十六里渭水所出凡有三源並下其同穴鳥如家雀色小青其鼠如家鼠色小黃近穴洩溺氣甚辛辣使人變逆嘔吐牛馬得此氣多疲臥不起而大汗

隴西縣 上西至州五十里

本漢獮道縣也屬天水郡後漢末于此置南安郡隋開皇元年廢郡移武陽縣名于郡理屬渭州八年改武陽



縣為隴西

安都山在縣西四十九里

洛門水出縣東南洛門谷後漢建武十年來歙大破隗  
囂于洛門即此地也

渭水經縣南

彰縣 上東北至州六十里

本漢鄠縣也屬隴西郡永元元年封耿秉為鄠侯是也

案後漢書耿秉傳封美陽侯此云鄠侯未詳所據永嘉南渡縣遂廢焉後魏宣

武帝復置屬略陽隋開皇三年罷郡縣屬渭州

龍馬山在縣西四十里

鄣水南去縣一里

鹽井在縣南二里遠近百姓仰給焉

武州

武都下 案唐書地理志祿山之亂武都郡沒吐蕃大歷二年復置為行州是志所缺未全

開元戶三千四百五十三 鄉一十二

禹貢梁州之域古西戎地也戰國時白馬氏居焉氏即西戎之別種也元鼎六年開白馬氏以其地為武都郡

魏太祖以楊阜為武都太守及劉備取漢中魏文帝徙武都于美陽即今好時縣界也後諸葛亮使將攻武都陰平遂克定二郡其地始入于蜀蜀平後晉復以為郡及永嘉南遷中原背叛武都又為氐楊茂搜所據羣氐推以為王其後楊難當為宋所破其苗裔復擁衆據武都之仇池山在今成州界後魏平仇池于仙陵山東置武都鎮宣武帝于鎮城復置武都郡廢帝改置武州隋大業三年又改為武都郡武德元年復為武州

州境

東西二百五十六里  
南北二百九十里

八到

東北至上都一千三百里  
東北至東都二千六十里

東至興州三百五十里

南至文州二百五十里

西北至宕州二百五十里

北至成州三百八十里

貢賦

開元貢蠟燭椒  
賦布麻

管縣三

將利 福津 盤隄

將利縣

中下郭下

本漢羌道縣地後魏于此置石門縣周閔帝改為將利縣屬武都郡隋開皇三年罷郡縣屬武州皇朝因之仙陵山在縣西六里

武都有紫水泥亦紫漢朝封盟書用紫泥即此水之泥也又出上品雄黃色如雞冠

羌水一名陵水經州城南二里

福津縣

中下西北至州六十六里

本後魏之武階郡也屬南秦州文帝又置福津縣屬武

隋郡隋開皇三年罷郡移福津縣于郡置焉屬武州皇朝因之

隴東山在縣北四十五里

盤隄縣

中下西北至州一百五十里

本漢河池縣地也後魏廢帝于此置武陽郡領盤隄縣隋開皇三年罷郡縣屬武州皇朝因之

盤隄山在縣東南七十三里

縣城魏鄧艾與蜀將姜維相持于此築城置茹蘆戍後

于此置縣

蘭州 金城下

開元戶四千 鄉一十五

禹貢雍州之域古西戎地也秦并天下是為隴西郡漢武帝降匈奴以其地置武威酒泉張掖敦煌四郡又分隴西置天水郡昭帝六年分隴西張掖以為金城郡今州即金城郡之舊地也初築時得金故曰金城又言金取其堅固領縣十三宣帝又置金城屬國以處降羌平

帝元始四年金城塞外羌獻魚鹽之地內屬漢遂得西

王母石室以為西海郡理龍夷城即今河源軍西一百

八十里威戎城是也後漢建武十三年省金城入隴西

郡明帝永平元年復立永熹末前涼張軌分立興晉郡

案晉書張重華傳魏書張駿傳並有晉興郡與此興晉異未詳孰是張寔徙金城縣即今

州理是也西秦乞伏乾歸都苑川南涼禿髮烏孤都廣

武皆此地也苑川至乞伏慕末為赫連定所滅廣武至禿髮傉檀為乞伏熾盤所滅隋開

皇元年立為蘭州置總管府取臯蘭山為名也大業三



年罷州為金城郡武德二年討平薛舉復置蘭州八年  
置都督府顯慶元年罷復為州寶應元年沒于西蕃

州境東西二百一十七里  
南北六百一十里

八到東南至上都一千四百六十里  
東南至東都二千三百二十里

東至臨州一百九十里  
東北至會州三百八十里

西南至河州三百里  
西北至鄯州四百里

貢賦開元  
賦  
布  
野馬皮  
褐

## 管縣二

五泉 廣武

五泉縣

中下郭下

本漢金城縣也屬金城郡前涼張寔徙金城郡理焉隋開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏乾歸太子熾盤招結諸部二萬七千築城于康狼山以據之即此山也

黃河流經縣北去縣二十里

金城關在州城西周武帝置金城津隋開皇十八年改  
津為關

廣武縣

中下南至州二百二十五里

本漢枝陽縣也前涼張駿三年分興晉置廣武郡隋開  
皇三年罷郡置廣武縣屬蘭州大業二年改為允吾

音鉛

牙縣取漢舊名也六年改為會寧縣武德三年重置廣  
武縣

琵琶山在縣西北一百五十里北涼沮渠蒙遜恃其彊

陰謀圖周周乃擁衆南保琵琶山即此也

烏逆水在縣西南二十許里水西有馬蹄谷漢武帝使  
李廣利伐大宛得天馬胡馬感北風之思遂頓絕羈絆  
而馳晨發京城食時至燉煌塞下今谷中石上猶存蹄  
跡

允吾故城在縣西南一百六十里本漢縣屬金城郡

浩亶故城在縣西南一百三十里漢縣也屬金城郡亶  
者水流峽岸深若門也

河州

安樂上 案杜佑通典河州為安鄉郡舊唐書同之新唐書作安昌郡與此安樂互異

開元戶五千二百八十九 鄉一十四

禹貢雍州之域古西羌地也漢昭帝分隴西天水張掖三郡立金城郡今州即金城郡之枹罕縣也靈帝時隴西宋建自稱河平王聚衆枹罕改元置百官獻帝建安末夏侯妙才討平之晉惠帝立枹罕護軍前涼張軌保據涼州立為興晉郡張駿二十一年以州界遼遠分置河州以禹貢導河積石至于龍門積石州界故曰河州

後乞伏熾盤又自金城都于此後魏平定秦隴西改置  
枹罕鎮孝文帝太和十六年改鎮復為河州隋大業三  
年罷州改為枹罕郡武德二年討平李軌改置河州寶  
應元年陷于西蕃

州境

東西二百八十八里  
南北三百七十里

八到

東至上都一千四百六十里  
東至東都二千二百二十里

東北至蘭州三百里

南至洮州三百里

西至廓州三百九十里

西北至鄯州三百里

貢賦

開元貢賦

麝香  
布麻  
麝金

管縣三

枹罕 鳳林 大夏

枹罕縣

中下郭下

本漢舊縣屬金城郡故罕羌侯邑秦滅為縣後遂因之  
積石山一名唐述山今名小積石山在縣西北七十里  
按河出積石山在西南羌中注于蒲昌海潛行地下出  
于積石為中國河故今人目彼山為大積石此山為小

積石

鳳林山在縣北三十五里

河水在縣北五十里河下也按四瀆之中河源最高從高注下故其流峻急禹貢導河積石至于龍門又曰導洛自熊耳按洛水出上洛西山經熊耳之北所言導者皆謂紀所施功不必自其源也

鳳林縣

中下東南至州八十里

本漢白石縣地後魏大統十二年刺史楊寬于河南鳳



林川置鳳林縣因以為名儀鳳元年于河州西移安鄉縣理此又名安鄉天寶元年改名鳳林

石門山在縣東北二十八里山高險絕對岸若門即皋蘭山門也漢武帝元符三年霍去病出隴西至皋蘭即此也

離水西去縣二百步

大夏縣

中下西北至州七十里

本漢舊縣屬隴西郡前涼張駿置大夏郡縣屬焉周改

屬枹罕郡隋開皇三年罷郡縣屬河州

金劍山在縣西二十里

大夏山水經縣南去縣十步

鎮西軍在州西一百八十里開元三年哥舒翰于索恭  
川置

振威軍在天成軍西百餘里天寶十三年哥舒翰攻吐

蕃鵬窠城置

鄯州 西平下府

開元戶六千四百四十六 鄉一十五

禹貢雍州之域古西戎地也春秋及秦漢為羌胡所居  
昭帝元始元年置金城郡按今州界即金城郡地也後  
漢獻帝分置西平郡屬涼州前涼張軌分西平置興晉  
郡張大錫以興晉西平二郡遼遠分為廣源郡後涼呂  
光改西平為西河郡南涼禿髮烏孤自稱武威王徙都  
于此弟儁檀遷于姑臧後復徙理于此為乞伏熾磐所  
併後魏以西平郡為鄯善鎮孝昌二年改鎮立鄯州隋

大業三年罷州復為西平郡隋亂陷賊武德二年討平

薛舉關隴平定改置鄯州儀鳳二年置都督府後復為

州開元二十一年置隴右節度使

都管兵七萬五千人馬一萬六百匹衣賜

二百五十萬匹段備西戎統臨洮軍

開元中移就節度衙置管兵五萬五千人馬八千四

百河源軍

州西一百二十里儀鳳二年中郎將李乙支置管兵一萬四千人馬六百五十三匹白

水軍

州西北二百三十里開元五年郭知運置管兵四千人馬五百匹

安人軍

河源軍西一百

二十里星宿川開元七年郭知運置管兵萬人馬三百五十匹振威軍

州西三百里開元中信安王禧

置管兵千人

威戎軍

州西北三百五十里開元二十六年杜希望置管兵千人馬五十匹綏和

守捉

州西南二百五十里開元二年郭知運置管兵千人

合川郡守捉

州南百八十里貞觀

中侯君集置管兵千人合川郡今疊州

莫門軍

洮州城內儀鳳二年置管兵五千五百人馬二百匹

寧塞軍

廓州城內管兵百人馬五十匹

積石軍

廓州西一百八十里儀鳳二年置管兵七千人

馬一鎮西軍

河州城內開元二十六年杜希望置管兵一萬二千人馬三百匹

平夷守

捉

河州城西南四十餘里開元二年郭知運置管兵三千人

寶應元年没于西蕃

州境

東西三百五里南北二百一十五里

八到

東南至上都一千八百六十里東南至東都二千七百二十里

東南至蘭州四百里東北至涼州五百里

西至西海三百七十里  
西南至廊州一百四十里

貢賦

開元貢賦

褐十疋  
布麻

羚羊角兩隻

管縣三

湟水 鄯城 龍支

湟水縣

中郭下

本漢破羌縣地屬金城郡魏分置西都縣屬西平郡隋

開皇三年罷郡縣屬鄯州十八年改為湟水縣皇朝因

之

土樓山在縣西百三十里下有土樓神祠

湟水名湟河亦謂之樂都水出青海東北亂山中東南流至蘭州西南入黃河

浩亶水今謂之閣門水經縣東去縣五十五里漢宣帝神爵元年遣後將軍趙充國擊先零羌充國欲罷騎兵屯田以待其弊計度臨羌東至浩亶羌虜故田人所未墾可二千頃以上又理湟陬以西道橋七十所令可至鮮水左右留步士萬人屯田為必禽之具詔從之充國

竟以屯田之利支解先零

鄯城縣

中東至州一百二十里

儀鳳二年分湟水縣置北枕湟水西即土樓山

龍支縣

中北至州一百三十五里

本漢允吾縣也屬金城郡後魏初于此置金城縣廢帝二年改名龍支縣西南有龍支谷因取為名

積石山在縣西九十八里南與河州枹罕縣分界

黃河在縣西南六十里



廓州寧塞下

開元戶三千九百六十四  
案鄉數傳寫缺

禹貢雍州之域古西羌地漢宣帝時西羌數背叛後將軍趙充國屯隴西諸羌不敢動後漢燒當等八種羌為寇段熲擊破之諸羌弭定獻帝建安中分金城置西平郡南涼禿髮烏孤又以河南地為澆河郡周建德五年于今州理西南達化縣界澆河故城置廓州蓋以開廓邊境為義隋大業三年罷州復為澆河郡隋亂陷于寇

賊武德二年西土平定改置廓州乾元元年陷于西蕃

州境

東西三百九十四里  
南北四百九十里

八到

東至上都二千里  
東至東都二千八百六十里

東至河三百九十里

南至新置耀武軍二百里

西至蕃界樹郭城三百二十里

北至新安夷騎八十里

貢賦

開元貢  
麀金  
大黃  
戎鹽  
麝香  
賦  
布  
麻

管縣三

化城  
達化  
米川

化城縣

下郭下

本後魏石城縣地廢帝二年因境內有化陰谷改為化隆縣皇朝因之先天元年改為化城縣

黃河在縣南八十步

扶延山在縣東北七十里多麋鹿

達化縣

下東至州三十里

本後周置達化郡并達化縣隋開皇三年罷郡移縣入郡廢即今縣是也皇朝因之

黃沙戍在縣東六十里

米川縣

下西至州一百里

本前涼張天錫于此置邯川戍後魏孝昌二年于戍城  
置廣威縣貞觀十年于本縣東一百二十里黃河南岸  
置米川縣屬河州永徽六年移于河北屬廓州

積石軍在州西南一百五十里儀鳳二年置西臨大澗  
北枕黃河即隋澆河郡所理  
寧邊軍在積石軍西黃河北

威勝軍在積石軍西八十里宛肅城

金天軍在積石軍西南一百四十里洪濟橋

武寧軍在洪濟橋東南八十里百谷城

曜武軍在州南二百里黑硤川

右寧邊等五軍並天寶十三年哥舒翰奏置

岷州 和政下

開元戶三千九百五十 鄉一十四

禹貢雍州之域古西羌地也禹貢西傾朱圉鳥鼠按西

傾山在洮州之西今州處其東北此則雍州之域明矣  
在秦為隴西郡洮縣地自秦至晉不改後魏文帝始于  
此置岷州南有岷山因以為稱仍領同和郡又改為臨  
洮郡隋開皇三年罷郡屬岷州大業三年復為臨洮郡  
隋末淪陷寇賊義寧二年改置岷州天寶元年改為和  
政郡乾元元年復為岷州上元二年因羌叛陷于西蕃

州境

東西一百六十三里  
南北三百六十七里

八到

東北至上都一千三百三十六里  
東北至東都二千一百八十六里

東北至渭州二百二十六里  
南至宕州三百八十里

西南至洮州一百八十里  
北至臨州三百四十里

貢賦

開元貢賦

龍鬚席  
布麻

鸚鵡鳥

犂牛酥

鵬翎

### 管縣三

湓樂 祐川 和政

湓樂縣

中下郭下

本秦漢之臨洮縣也屬隴西郡後魏置同和郡縣屬焉  
隋開皇三年罷郡縣屬岷州義寧二年改置湓樂縣

岷山在縣南一里

崆峒山在縣西二十里

州城本秦臨洮城也後漢建初二年金城隴西保塞羌  
皆反車騎將軍馬防長水校尉耿恭擊平之即此地也  
董卓臺在縣北十五步

秦長城首起縣西二十里始皇三十四年并天下使蒙  
恬將三十萬衆北逐戎狄築長城起臨洮至遼東延袤  
萬餘里



祐川縣

中下西北至州七十里

周明帝武成元年置基成縣隋開皇九年省義寧二年重置先天元年改為祐川縣取縣西祐川為名也

和政縣

中下南至州三十二里

本後周洮城郡也武帝保定元年郡省置同和縣屬同和郡宣政元年改為和政縣隋開皇三年罷郡縣屬岷州皇朝因之

洮水西南自溢樂縣界流入

和政府在縣西北七里

洮州臨洮下

開元戶三千七百八十四 鄉七

禹貢雍州之域古西戎地也自秦漢至于魏晉皆諸羌所居至後魏吐谷渾又侵據其地後周明帝武成中西逐諸戎其地內屬置洮陽防武帝保定元年立洮州隋大業三年罷州改為臨洮郡隋季亂離所在陷沒郡守孫長詢率所部百姓嬰城固守以義寧元寧舉城歸國

武德二年復于此置洮州貞觀四年州移理故洪和城

于此置臨洮鎮五年廢鎮置淳州

案原本避唐憲宗諱缺淳字今校補

八

年廢州復移洮州理此永徽元年置都督府開元十七年廢入岷州二十年于臨潭又置臨州二十七年又改為洮州廣德元年陷于西蕃

州境

東西五百五十里  
南北二百二十里

八到

東北至上都一千五百里  
東北至東都二千三百六十里

東北至岷州一百八十里  
西至黃河六百里

西南至疊州一百八十里  
北至河州三百里

貢賦

開元貢  
賦  
布  
麻  
褐  
酥

管縣二

臨潭 美相

臨潭縣

中郭下

本隋美相縣周保定元年置貞觀四年移美相縣于東北洪和城內五年于州理改置臨潭縣其城東西北三面並枕洮水

洮水出縣西南三百里嶺臺山即禹貢西傾山也

林傍山在縣東南十一里林傍羌語也羌語呼石為林呼高為傍因以為名

安西府在縣東四十里周明帝武成元年行軍總管博陵公賀蘭祥討吐谷渾作此城以保據西土後因置博陵郡隋又為縣屬洮州貞觀十二年省縣入臨潭十三年于此置安西府

廣恩鎮在縣西一百八十里

莫門軍儀鳳二年置在州城內

神策軍在州西八十里天寶十三年哥舒翰置在洮河  
南岸

美相縣 中西至州七十五里

本漢隋舊縣理在州城貞觀四年移洮州在此縣亦隨  
徙焉

霧露山在縣北一十里

疊州 合川下

開元戶一千二百七十七 鄉一十一

禹貢梁州之域歷秦漢魏晉諸羌常保據焉至後魏其地入吐谷渾周武帝建德六年西逐諸戎始統有其地乃置疊州蓋取山川重疊為義隋大業元年廢疊州以縣屬洮州武德二年西土內附于今州西二十九里合川故城置疊州五年陷吐谷渾七年討平之復置疊州今州城在獨山上西臨絕澗南枕羌水十三年置都護府永徽元年罷天寶元年改為合川郡乾元元年復為

疊州

唐書地理志云祿山之亂合川懷道等郡沒于吐蕃此所徵未合

州境

東西二百六十五里  
南北一百二十九里

八到

東北至上都一千七百里  
東北至東都二千五百六十里

東南沿流至宕州二百五十里  
東南至故芳州一百四十里

東北至洮州一百八十里  
西至黃河上党項岸二百八十里

貢賦

開元貢  
甘松香  
麝香  
酥  
賦  
布  
麻

管縣二

合川  
常芳



合川縣

下郭下

本周武成二年置有三谷水至縣東合流因以為名屬西疆郡隋開皇三年罷郡縣屬疊州皇朝因之

石鏡山在縣西北四十五里其山石皎徹臨照莫不見其形體故以為名山有銅窟隋代採鑄今亦填塞白水一名墊江水在州西六十里

藥水出縣東平地人有患冷者煎水服之多愈

常芳縣

中西北至州一百二十里

本周武成中所置桓香縣屬芳州郭下前上元中芳州沒蕃神龍元年移縣名于大法山東蘇董谷西即合川縣理是也

芳州

貞觀戶八百六十二其天寶郡名開元戶

案是州陷西蕃在高宗時鄉背未有故止載貞觀戶

禹貢梁州之域秦漢及魏晉皆諸羌所居至後魏吐谷渾入侵據焉周明帝武成中西逐諸戎始有其地乃于三交口築城置甘松防武帝建德中改為芳州領恒香深泉二郡隋大業二年郡州廢以縣屬扶州隋氏喪亂

陷于寇賊武德元年西邊平定復于常芳縣置芳州隋

案

書地理志云後魏立芳州有深泉郡後周置常芳縣立恒香郡此謂周武帝建德中改甘松防為芳州與隋志異又唐書地理志云武德元年以常芳縣置芳州此謂置于常芳縣芳蓋莽之誤高宗上元二

年陷于西蕃

州境

案州境里數傳寫缺

八到

東北至上都一千八百四十里東北至東都二千七百里

東至羌二百三十里

東南至扶州三百三十里

西南至羌直州一百六十里

西至疊州一百四十里

貢賦

貢觀貢賦

犀牛麻布

管縣三

常芬 恒香 丹嶺

常芬縣

下郭下

本周置屬恒香郡隋開皇三年罷郡縣屬芳州前上元二年陷于西蕃神龍元年移縣名屬疊州

素嶺山在縣東七十里春夏常多積雪因名之

甘松府在城內

恒香縣

下東北至州二十五里

貞觀二年置寄理恒香戍

帝候山在縣南三里

丹嶺縣

下東南至州二十里

本隋舊縣開皇十九年置屬芳州義寧三年屬甘松郡  
武德元年罷郡縣屬芳州所管百姓皆是党項諸羌界  
內雖立縣名無城郭居處

湫池在縣西八十里通彌山中周迴百餘里蓋古之天

池大澤白水之源蓋出此也

宕州 懷道下

開元戶一千六百五十九 鄉六

禹貢梁州之域古西羌地也自秦漢至魏晉皆諸羌據焉後魏招撫西戎始有其地有梁彌忿者宕昌羌也其先羌豪祖勤自稱宕昌王彌忿于太武初表求內附太武嘉之拜彌忿為宕昌王其後遞相傳襲稱藩于魏謂其地為宕昌藩周天和元年改藩置宕州隋大業三年

罷州置宕昌郡武德元年復宕州天寶元年改為懷道

郡乾元元年復為宕州因宕昌山為名也

案隋蕃事缺敍

州境

東西三百六十五里  
南北四百二十九里

八到

東北至上都一千四百七十里  
東北至東都二千三百三十里

東南至武州二百五十里  
南至扶州四百里

西北至疊州二百五十里  
北至岷州三百八十里

貢賦

開元貢  
麴金 麝香  
布 麻

管縣二

懷道 良恭

懷道縣

中下郭下

本周武帝天和元年置屬甘松郡隋開皇三年罷郡屬宕州皇朝因之

蘇董戍在縣西一百八十三里

良恭山在縣北四十里出雌黃

斫花山在縣東北八十里出朱砂雌黃入常採取之

宕昌故城今為交和戍在縣東五十二里



良恭縣

下西南至州二百一十里

本周之陽谷縣也武帝天和五年置宕昌郡隋開皇三年罷郡縣屬宕州十八年改為良恭縣

願虜山接縣城西北隅東西四十里南北三里

臨州

狄道下府案是州置自天寶三年故不載開元戶鄉

天寶初割蘭州狄道縣又別置安樂縣置臨州州郭舊有臨洮軍久視元年置至寶應元年陷于西蕃

州境

案州境里數傳寫缺

八到

東南至上都一千四百八十里  
東南至東都二千二百四十里

南至岷州三百四十里

西至蘭州一百九十里

貢賦

案此臨州由蘭州析置其貢賦在  
天寶初當與蘭州同而傳寫遺缺

管縣二

狄道 長樂

狄道縣

下

本漢縣屬隴西郡晉改為武輅縣隋復為狄道屬蘭州

天寶初改屬臨州

長樂縣

下

天寶初置安樂縣乾元後改為長樂

元和郡縣志卷三十九

欽定四庫全書

元和郡縣志卷四十

唐 李吉甫 撰

隴右道

下 案是卷涼州至庭州載開元貢而不載布麻之賦並由傳寫遺缺

州八

涼州甘州肅州沙州瓜州伊州西州庭州其縣二十五

涼州

武威中府

開元戶二萬六千一百六十五 鄉二十五

禹貢雍州之西界自六國至秦戎狄及月氏居焉後匈奴

奴破月氏殺其王以其頭為飲器月氏乃遠過大宛西  
擊大夏而臣之匈奴使休屠王及渾邪王居其地漢武  
帝之討北邊休屠渾邪數見侵掠單于怒遣使責讓之  
二王恐見誅乃降漢漢得其地遂置張掖酒泉燉煌武  
威四郡昭帝又置金城一郡謂之河西五郡改州之雍  
州為涼州五郡皆屬焉地勢西北邪出在南山之間隔  
絕西羌西域于時號為斷匈奴右臂獻帝時涼州數有  
亂河西五郡去州隔遠自來別立州于是以五郡立為

雍州魏又分雍州置涼州領河西五郡晉惠帝永寧元年以張軌為刺史持節領護羌校尉會永嘉之亂因保據涼州是為前涼至張天錫為苻堅所滅後十餘年又為呂光所據是為後涼至呂隆為姚興所滅及沮渠蒙遜起兵據張掖是為北涼至沮渠茂虔為後魏所滅及太武帝改州鎮置四軍為戍孝文帝太和十四年復為涼州領武威等十郡二十縣周置總管府隋大業三年改為武威郡廢總管隋末喪亂陷于寇賊武德二年討

平李軌改為涼州置河西節度使

都管兵七萬三千人馬一萬八千八百匹

斷隔羌胡統赤水軍

在涼州城內管兵三萬三千馬一萬三千匹本赤烏鎮有青赤泉名

馬軍之大者莫如赤水幅員五千一百八十里拒土蕃北臨突厥

太斗軍

涼州西二百里本是赤水

軍守捉開元十六年改為大斗軍因大斗枝谷為名管兵七千五百人馬二千四百匹

建康軍

聖

元年尚書王孝傑開鎮周迴以甘肅兩州中間闊遠頻被賊抄遂于甘州西二百里置此軍管兵五千三百人

馬一千二百匹東去理所七百里

寧寇軍

甘州東北十餘里天寶二年置管兵一千七百人馬五百

玉門軍

肅州西二百餘里武德中楊恭仁置管兵千人實三百人馬六百匹東去理所一千一百

餘墨離軍

瓜州西北一千里管兵五千人馬新泉軍會里四百匹東去理所一千四百餘里



西北二百里大足初郭元振置豆盧軍沙州城內以當

迴闕神龍初置立豆盧軍以鎮之兵四千張掖守捉東

五百人馬四百匹去理所一千七百餘里去

理所五百里管兵六交城守捉涼州西二百里白亭軍

涼州西北三千里管兵一千七百人天寶元年改為武威郡乾元元年復

為涼州廣德二年陷于西蕃州城本匈奴新築漢置為

縣城不方有頭尾兩翅名為鳥城南北七里東西三里

地有龍形亦名臥龍城

州境東西四百里

南北八百三十里

八到

東北至上都取秦州路二千里取蘭臯路一千六  
十里

東南至東都二千八百六十里

貢賦

開元貢

野馬皮五張  
白小麥十石

細褐

柔毛毳

管縣五

姑臧

神烏

昌松

嘉麟

天寶

姑臧縣

上郭下

本漢舊縣屬武威郡因姑臧山為名亦言故匈奴蓋藏  
城後人因訛為姑臧焉

姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東岸舊置守捉天寶十年哥舒翰改置軍因白亭海為名也

文車澤在縣東三十里前秦苻堅遣將軍苟萇毛盛將軍伐北涼造機械衝車于此因名

休屠城在縣北六十里漢休屠縣也

明威戍在縣北百八十里

武安戍在縣西北百六十里

武興鹽池眉黛鹽池並在縣界百姓咸取給焉

神烏縣

上舊郭下

本漢鸞鳥縣張天錫改置武興縣後廢武德三年又于城內置神烏縣與姑臧分理神烏理西姑臧理東貞觀元年廢總章元年又置也

昌松縣

中西北至州一百二十里

本漢倉松縣屬武威郡後魏置昌松郡縣屬焉隋開皇

三年改昌松為永年縣後以重名復為昌松

金山在縣南一百八十里麗水出焉

蒼松故城在縣東北十里漢蒼松縣也

麗水府在縣城中

白馬戍在縣東北五十里

嘉麟縣

中下東南至州七十里

本漢宣威縣地前涼張軌于此置興武郡後涼呂光改置嘉麟縣後廢萬歲通天元年重置

天寶縣

中下東至州一百八十里

本漢番

音盤

禾縣屬張掖郡北涼沮渠蒙遜立為番禾郡

後魏太武帝平涼罷郡置軍隋開皇三年改為縣皇朝因之天寶中改為天寶縣

甘州

張掖下

開元戶五千四百四十 鄉一十七

禹貢雍州之域自六國至秦戎狄月氏居焉漢初為匈奴右地武帝元鼎六年使將軍趙破奴出令居乃分武

威酒泉地置張掖敦煌郡斷匈奴之右臂自張其掖因  
以為名初屬張軌後涼末段業亦嘗據此地後業為北  
涼沮渠蒙遜所殺據之後又遷理姑臧後魏太武平涼  
以為張掖軍廢帝二年改軍置甘州因州東甘峻山為  
名或言地多甘草故名隋大業三年罷州為張掖郡隋  
亂陷賊武德二年討平李軌改置甘州永泰二年陷于  
西蕃

州境

東西四百一十六里  
南北一千三百七里

八到

東南至上都二千五百里

東南至東都三千三百六十里

東至涼州五百里

東北至花門山一千四百五十里

南至大雪山二百三十里

西至肅川四百里

貢賦

開元貢

野馬皮

白柰

枸杞

管縣二

張掖 刪丹

張掖縣

下郭下

本漢麟得縣屬張掖郡本匈奴麟得王所居因以名之



晉改名永平隋開皇三年改永平為酒泉縣大業二年改為張掖縣取舊郡為名也皇朝因之

合黎山俗名要塗山在縣西北二百里禹貢導弱水至于合黎

祁連山在縣西南二百里張掖酒泉二界上美水茂草山中冬溫夏涼宜放牧牛羊充肥乳酪濃好夏瀉酥不用器物置于草上不解散作酥特好一斛酪得斗餘酥雪山在縣南一百里多材木箭竿

甘峻山在縣東北四十五里出青鵲鷹稱為奇絕常充  
貢獻

居延海在縣東北一百六十里即居延澤古文以為流  
沙者風吹流行故曰流沙

鹽池在縣北九百三十里其鹽潔白甘美隨月虧盈周  
迴一百步

建昌軍在州西北一百九十里

刪丹縣

中下西至州一百二十里

本漢舊縣屬張掖郡按馬走山一名刪丹山故以名縣  
山在縣南五十里東西百餘里南北二十里水草茂美  
與祁連同匈奴失祁連焉走二山乃歌曰亡我祁連山  
使我六畜不繁息失我焉走山使我婦女無顏色

弱水在縣南山下

大斗枝谷在縣南二百里隋大業五年煬帝躬率將士  
出西平道討吐谷渾還此谷會大霖雨士卒凍餒死者  
十六七

寧寇軍在居延水兩漢中天寶二年置

肅州 酒泉下

開元戶二千二百五十三 鄉八

禹貢雍州之域古西戎地也六國時月氏居焉後為匈奴所逐奔逃西徙匈奴得其地使休屠昆邪王分守之武帝元狩二年昆邪王殺休屠王并將其衆來降以其地為武威酒泉郡以隔絕胡與羌通之路以城下有泉其味若酒故名酒泉初屬張軌後涼呂光復據有其地

後魏道武帝天興三年晉昌太守唐缺移檄六郡推武

昭王為主為大都督涼公秦涼二州牧自敦煌遷都于

此號西涼王後沮渠蒙遜復據有其地後魏太武帝平

沮渠氏以酒泉為軍屬燉煌鎮明帝孝昌中改鎮立瓜

州復置酒泉郡隋開皇三年罷郡立酒泉鎮所領縣並

屬甘州仁壽二年以境宇遼遠分甘州置肅州隋末陷

于寇賊武德元年河右底定復于酒泉縣置肅州大歷

元年陷于西蕃

州境

東西五百六十四里  
南北五百四十里

八到

東南至上都二千九百里  
東南至東都二千七百六十里

東至甘州四百里

南至吐蕃雪嶺二千五百里

西北至葭蘆泉五百里

貢賦

開元貢

野馬皮

礪石

肉蓯蓉

柏脉根

管縣三

酒泉

福祿

玉門

酒泉縣

中郭下

本漢福祿縣也屬酒泉郡自漢至隋不改義寧元年分置酒泉縣初西涼武昭王自敦煌遷都于此至子歆為沮渠蒙遜所破

崑崙山在縣西南八十里周穆王見西王母樂而忘歸即此山

洞庭山在縣西七十里四面懸絕人不能上遙望皛皛如鑄銅色山中出金

白亭海在縣東北百四十里一名會水以衆水所會故

曰會水以北有白亭故曰白亭海方俗之間河北得水便名為河塞外有水便名為海

遮虜障在縣北二百四十里李陵與單于戰處隋鎮將楊玄于其地得銅弩牙箭鏃

西涼武昭王陵在縣西十五里

福祿縣

中下西至州一百里

本漢樂涪縣屬敦煌郡後魏太武帝平沮渠茂虔改縣為戍隸敦煌鎮孝文帝改為樂涪縣隋改縣為鎮武德



二年置福祿縣取舊名也

崆峒山在縣東南六十里黃帝西見廣成子于崆峒漢武帝行幸雍祠五時遂登崆峒並為此山也

祁連戍在縣東南一百二十里

鹽池在縣東北八十里周迴百姓仰給焉

玉門縣

中下東至州二百二十里

本漢舊縣屬酒泉郡漢罷玉門關屯戍徙其人于此因以名縣後魏孝明帝改為玉門郡周武帝省入會稽縣

隋開皇十年復改為玉門縣皇朝因之

金山在縣東六十里出金

獨登山在縣北十里其山出鹽鮮白甘美有異常鹽取充貢獻

石脂水在縣東南一百八十里泉有苔如肥肉燃之極明水上有黑脂人以草蓋取用塗鴟夷酒囊及膏車周武帝宣政中突厥圍酒泉取此脂燃火焚其攻具得水愈明酒泉賴以獲濟

玉門軍開元中玉門縣為吐蕃所陷因于縣城置玉門  
軍天寶十四年哥舒翰奏廢軍重置縣

沙州 燉煌下府

開元戶六千四百六十六 鄉一十三

禹貢雍州之域古戎地也左傳所謂允姓之戎居于瓜  
州注云在今敦煌是也漢武帝元鼎六年分酒泉置敦  
煌郡今州即其地也前涼張駿于此置沙州蓋因鳴沙  
山為名流沙即居延澤也以西胡校尉楊宣為刺史後

三年宣讓州復改為敦煌郡涼武昭王初都于此後又遷于酒泉後魏太武帝于郡置敦煌鎮明帝罷鎮改瓜州為敦煌郡尋又改為義州莊帝又改為瓜州隋大業三年又罷州為敦煌郡隋末喪亂陷于寇賊武德二年西土平定置瓜州五年改為沙州建中二年陷于西蕃

皇朝以敦煌為燉煌

州境

案州境里數傳寫缺

八到

東南至上都三千七百里  
東南至東都四千五百六十里

東至瓜州三百里

西至石城鎮一千五百里

西至吐蕃界三百里  
北至伊州七百里

貢賦

開元貢

野馬皮

石膏

碁子石

牦羊角

管縣二

燉煌 壽昌

燉煌縣

上郭下

本漢舊縣也屬敦煌郡周武帝改為鳴沙縣以界有鳴沙山因以為名隋大業二年復為敦煌敦大也以其開

欽定四庫全書

元和郡縣志

三

廣西域故以盛名

三危山在縣南三十里山有三峯故曰三危尚書竄三苗于三危即此山也

鳴沙山一名神沙山在縣南七里今按其山積沙為之峯巒危峭踰于山石四面皆為沙壠背有如刀刃人登之即鳴隨足顛落經宿風吹輒復如舊有一泉水名曰沙井縣歷古今沙填不滿水極甘美

懸泉水在縣東百三十里出懸泉山漢將李廣利伐大

宛還士衆渴乏引佩刀刺山飛泉湧出即此也水有靈車馬大至即出多小至即出少

鹽池在縣東四十七里池中鹽常自生百姓仰給焉

壽昌縣

中下東至州一百五里

本漢龍勒縣因山為名屬敦煌郡周武帝省入鳴沙縣大業十一年于城內置龍勒府武德二年改置壽昌因縣南壽昌澤為名也

龍勒水在縣南百八十里龍勒山上李陵發兵至遮虜

障東浚稽山南龍勒水上徘徊觀虜所見卽此水

陽關在縣西六里以居玉門關之南故曰陽關本漢置也謂之南道西趣鄯善莎車後魏嘗于此置陽關縣周廢

玉門故關在縣西北百一十八里謂之北道西趣車師前庭及疏勒此西域之門戶也班超在西域上疏曰臣幸得護西域如自以壽終屯部誠無所恨恐後代謂臣沒西域臣能無依風首丘之思哉臣不敢望到酒泉郡



但願生入玉門即此是也

豆盧軍神龍元年置在州城內

瓜州

晉昌下府  
案戶鄉數傳寫缺

本漢酒泉郡元鼎六年分酒泉置敦煌郡今州即酒泉  
敦煌二郡之地晉惠帝又分二郡置晉昌郡周武帝改  
為永興郡隋開皇三年罷郡按隋瓜州即今沙州也大  
業三年改瓜州為敦煌郡武德五年改瓜州別于晉昌  
置瓜州地出美瓜故取名焉狐食其瓜不見首尾大歷

十一年陷于西蕃

州境

東西三百九十三里  
南北六百八十四里

八到

東南至上都三千四百里  
東南至東都四千二百六十里

東南至肅州四百八十里  
南至大雪山二百四十里

西至沙州三百里

貢賦

開元貢 草鼓子 吉莫皮

管縣二

晉昌 常樂

晉昌縣

中下郭下

本漢冥安縣屬敦煌郡因縣界冥水為名也晉元康中改屬晉昌郡周武帝省入涼興郡隋開皇四年改為常樂縣屬瓜州武德七年為晉昌縣

雪山在縣南百六十里積雪夏不銷東南九十里南連吐谷渾界

冥水自吐谷渾界流入大澤東西二百六十里南北六  
十里豐水草宜畜牧

玉門關在縣東二十步

合河戍在縣東北八十里在州西二百步蓋神龍元年

置也

常樂縣

中下東至州一百一十五里

本漢廣至縣地屬敦煌郡魏分廣至置宜禾縣後魏明  
帝改置常樂郡隋于此置常樂鎮武德五年置常樂之  
縣也

伊州

伊吾下

開元戶一千七百二十九 鄉七

禹貢九州之外古戎地古稱昆吾周穆王伐西戎昆吾  
獻赤刀後轉為伊吾周衰戎狄雜居涇渭之北伊吾之  
地又為匈奴所得及秦始皇攘戎狄築長城以界中國  
漢武時驃騎將軍擊破匈奴右地始築令居以西初置  
酒泉郡後分置武威張掖敦煌列四郡據兩關焉兩關  
即陽關玉門也王莽時地屬匈奴後漢明帝永平十六  
年北征匈奴取伊吾廬地宜禾都尉以為屯田兵鎮之

所未為郡縣後復為匈奴所得自建武至于孝和三通  
三絕至順帝時以伊吾舊膏腴之地傍近西域匈奴資  
之以為鈔暴開設屯田如故事置伊吾司馬一人至魏  
立伊吾縣晉立伊吾都尉並寄理敦煌北界非今之伊  
州後魏及周又有鄯人來居之隋大業六年得其地以  
為伊吾郡隋亂又為羣胡居焉貞觀四年胡等慕化內  
附于其地置伊州

案是州據唐書地理志元和時亦久陷吐蕃此所敘未全

州境

東西一千一百五十里  
南北四百九十里

八到

東南至上都四千三百三十里  
東南至東都五千一百六十里

東南取莫賀磧路至瓜州九百里  
西南至西州七百三十里

正南微東至沙州七百里

貢賦

開元貢 刀 陰牙角

管縣三

伊吾 柔遠 納職

伊吾縣

下郭下

本後漢伊吾屯貞觀四年置縣

天山一名白山一名折羅漫山在州北一百二十里春夏有雪出好米及金鐵匈奴謂之天山過之皆下馬拜鹽池海在縣南三百里周迴百餘里州東北四澗水竝南流至州南七八里合流為一水側近皆有良田

柔遠縣

下西北至州一百四十里

貞觀四年置縣東有柔遠故鎮因以為名兼置守捉

天山在縣北二十里

柳谷水有東西二源出縣東北天山南流十五里合



納職縣

下東北至州一百二十里

貞觀四年置其城鄯善人所立胡謂鄯善為納職因此名縣焉後漢明帝曾于此置宜禾都尉

但密山在縣北百四十里山北二十里正抵蒲類海其蒲類海後漢桓帝時匈奴呼衍王寇伊吾司馬毛愷遣吏兵五百人與戰悉為所沒即此海也

繞海名良田漢將趙充國所屯也俗名婆悉厥海

伊吾軍在州西北三百里折羅漫山北甘露川置刺史

為使景龍四年置

陸鹽池在州南六十里周迴十餘里無魚水自生如海  
鹽月滿則鹽多而甘月虧則鹽少而苦

西州

交河中都督府

開元戶一萬一千六百四十七

鄉二十四

本漢車師國之高昌壁也後漢和帝永元三年班超定  
西域以超為都護復置戍己校尉治車師前部高昌壁  
以其地勢高敞人物昌盛因名高昌晉成帝咸和中張

駿置高昌郡後魏太武時有闕爽者自為高昌太守真  
君中爽為沮渠無諱所襲奪據之無諱死弟安周代立  
為蠕蠕所併蠕蠕以闕伯周為高昌王高昌之稱王自  
此始也太和初伯周死子義咸立歲餘為其從兄首歸  
所殺自立為高昌王五年阿伏至羅殺首歸以敦煌孟  
明為高昌王太和二十年孟明為國人所殺立馬儒為  
王以麴嘉為長史遣使內附高昌人戀本土不願東遷  
相與殺王而立麴嘉麴嘉卒子堅立堅卒子伯雅來朝

隋煬帝以宇文氏女玉波為華容公主妻之伯雅卒子  
文泰立遣使貢獻其後漸失臣禮貞觀十四年詔兵部  
尚書侯君集統薛萬鈞牛進達等總兵討之文泰病死  
子智盛立八月君集進兵破之下其二十二城獲戶八  
千列其地為西州並置安西都護以統之顯慶三年置  
都督府天寶元年復為西州貞元七年沒于西蕃

州境

東西八百九十五里  
南北四百八十六里

八到

東南至上都五千三十里  
東南至東都五千里

東南至金沙州一千四百里

東北至伊州七百三十里

南至樓蘭國一千二百里並沙磧難行  
西南至烏耆七百二十里

北自金娑嶺至北庭都護府五百里

貢賦

開元貢

氈毛

乾蒲萄

刺蜜

管縣五

前庭 柳中 交河 天山 蒲昌

前庭縣

上郭下

貞觀十四年置高昌縣取舊高昌國為名也天寶元年

改為前庭縣

天山夷名折羅漫山在縣北三十里

交河在縣西高昌國土良沃穀麥一歲再熟出赤鹽其味甚美澤間有草名為羊刺其上生蜜食之與蜂蜜不異名曰刺蜜有鹽其狀如玉取以為枕貢之中國

柳中縣

中下西至州三十里

貞觀十四年置驛路城極險國

天山在縣東北

大沙海在縣東南九十里

交河縣

中下東南至州八十里

本漢車師前王庭也按車師前王國理交河城自漢迄于後魏車師君長相承不絕後魏之後湮滅無聞蓋為匈奴所併高昌據其地貞觀十四年于此置交河縣與州同置

交河出縣北天山水分流于城下因以為名

天山縣

上東至州一百五十里

貞觀十四年置

蒲昌縣

中下西南至州一百八十里

貞觀十四年置本名金蒲城車師後王庭也

天山軍在州城內開元二年置本漢車師後王庭烏孫之東境也貞觀十四年置

庭州

北庭上都護府

開元戶二千六百七十六

鄉五

庭州因王庭以為名也後為賊所攻掠蕭條荒廢顯慶



中重修置以來濟為刺史理完葺焉請州所管諸蕃奉

敕皆為置州府以其大首領為都督刺史司馬又置參

將一人知表疏等事其俗帳居隨逐水草帳門皆向東

開門向慕皇風也其漢戶皆龍朔以後流移人也長安

二年改置北庭都護府按三十六蕃開元二十一年改

置北庭節度使

都管兵二萬人馬五千  
匹衣賜四十八萬疋段

以防制突騎施

堅昆斬啜

西北去突騎施三千餘里北堅昆  
七十里東去斬啜一千七百里

管瀚海軍

北庭都護府城內長安二年初置燭龍軍三年郭元振  
改為湖海軍開元中蓋嘉運重加修募管兵一萬二千

人馬四千  
天山軍  
西州城內開元二年置管兵五伊吾

軍  
伊州西北三百里甘露川景龍四年置管  
兵三千人馬三百匹在理所東南七百里

州境  
衆州境里  
數傳寫缺

八到  
東南至上都五千二百七十里  
東南至東都六千一百三十里

東至西州五百里  
東南至伊州九百七十里

東北至回鶻衙帳三千里  
西至碎葉二千二百二十里

西南至焉耆鎮一千一百里  
北至堅昆衙帳約四千里

貢賦  
開元貢  
陰牙角  
內沙  
阿魏  
延胡索  
速霍角

管縣三

後庭 蒲類 輪臺

後庭縣

下郭下

貞觀十四年于州南置蒲昌縣長安二年改為金蒲縣

寶應元年改為後庭縣

蒲類縣

下南至州十八里

貞觀十四年置因蒲類海為名先天二年為默啜所陷

開元十四年復置

輪臺縣

下東至州四十二里

長安二年置

清海軍在州西七百里舊名鎮城鎮天寶中改名清海

軍

俱六鎮在州西二百四十里當碎葉路

憑落鎮在州西三百七十里

神仙鎮在州南五十里當西州路

沙鉢鎮在州西五十里當碎葉路

蒲類鎮在蒲類縣西

却遮鎮在蒲類縣東北四十里當回鶻路

鹽泉鎮在蒲類縣東北二百里當回鶻路

特羅堡子在蒲類縣東北二百餘里四面有磧置堡子  
處周迴約二千里有好水草即往回鶻之東路



元和郡縣志卷四十

元和郡縣志後序

右元和郡縣志四十卷唐宰相李吉甫所上也吉甫病古今地理家著錄不得其要獨取蕭何收秦圖書而究天下阨塞戶口多少者以為準則則不待詳閱其書而其體要卓然可紀也已吉甫再相蓋元和六年此志自載其所嘗建白者二事改復天德舊城則在八年更置宥州于經略軍則在九年其年十月吉甫遂薨于位則是書又其當國日久乃始纂述此于唐家郡縣疆境方

面險要必皆熟按當時圖籍言之最為可據又其言曰  
志凡四十七鎮鎮皆有圖冠其篇首故以圖志名之圖  
今亡矣獨志存焉耳憲宗經略諸鎮吉甫實贊成之其  
于河北淮西悉嘗圖上地形憲宗得以坐覽要害而陰  
定策畫者圖之助多也惜乎其不存志傳寫久有闕逸  
又謫誤不敢強補謹書其有益者以示可傳而已淳熙  
二年五月一日秘書少監臣大昌序

張幾仲帥襄陽且行謂予曰以予之好異書知世間



有甚欲之而無其力者矣之鎮苟暇期取古書有益者刻木而布傳之庶其費寡而人可得是亦一為政也秘藏多書盍選擇見授子思之有元和郡縣志者其所記地理多唐家制度本朝疆理天下率多本唐則是書之備稽究特與今宜予嘗即蓬山藏本之未敘列其所以可傳者矣苟欲嘉惠夫人則莫此為要遂錄寄之以遂其雅好幾仲名子顏今以敷文閣待制在鎮淳熙二年至日新安程大昌泰之書

右元和郡縣志四十卷目錄二卷唐元和八年丞相李  
趙公吉甫所上也後三百六十有三年今京西牧待制  
張公幾仲始刻版于襄陽幕府按新唐書藝文志著錄  
是書為五十四卷會要析而兩之一曰州縣郡國圖三  
十卷一曰郡國圖其卷與新志同皆冠以元和三者的  
不相似以今所刻證之皆非也地理之最莫切于圖書  
周官職方氏掌天下之圖要周知其利害沛公入關蕭  
何收秦丞相府圖籍具知阨塞戶口多少強弱處基漢

為雄光武與鄧禹論天下郡國亦披輿地圖乃克見則  
不出戶庭而九州萬里在吾目中如策馬并轡援衣挈  
領舍此誰則然方趙公為相強藩悍帥徂貞元餘習擅  
地自予朝廷莫敢訶而能以期年間易三十六鎮魏田  
季安病公請以滑任薛平戍重兵邢洺因圖上河北險  
要憲宗張于浴堂門壁每歎曰朕日按圖信如卿料則  
其所著書蓋已見之行事矣豈直區區紙上語而已哉  
幾仲先忠烈王勳在彝鼎為中興社稷臣幾仲濟美稱

家文史聲猷有晉宋勝流風度方守國西門雍容緩帶  
躡叔子元凱故蹟一旦天子讀此書悼河山之獨西想  
燕冀而忼慨睠焉北顧思有所出趙營平不必馳至金  
城圖上方略馬伏波不必聚米為山指畫形勢幾仲知  
之矣予願拭目焉本作書之旨則趙公之敘固在今揭  
于篇首淳熙三年十一月番陽洪邁書

子顏少有四方志逮長益篤比年數被上委使尋復  
領符襄州奏事便殿上諭曰馳驅原隰爾素志也顧

昧陋何以克承玉音洎至郡每登峴山撫中原未始  
不歎息久之思有以自効者浩不知其涯焉會故人  
程刑部寄元和郡縣志閱之瞿然有感仰惟明主扼  
天下之吭制羣生之命者不在茲乎亟用版傳以資  
有志者籌贊恢拓之業又得程洪二鉅公題品詳贍  
斯文為不朽矣昔司馬子長南遊江淮上會稽探禹  
穴闢九疑北涉汶泗東觀齊魯孔子之遺風西使巴  
蜀以還周覽山川故其為文廣博馳騁古今愚不敏

詎敢擬一二惟欲勉馳驅之素志竭繇薄于異時益  
有務于是書亦報上之一云淳熙三年十二月朔旦  
上秦張子顏書